



---

**Datum: 07.04.2020. godine**

**Broj: Oi-K-Sa-55/20**

**Federalna uprava civilne zaštite**

**Federalni stožer civilne zaštite**

**fucz@fucz.gov.ba**

**Republička uprava civilne zaštite Republike Srpske**

**Republički štab za vanredne situacije**

**ucz@rucz.vladars.net**

**Krizni stožer Vlade Brčko Distrikta BiH**

**Za gradonačelnika**

**stojanka.knezevic@bdcentral.net**

**Kantonalnim kriznim štabovima – svim**

***Predmet: Preporuke za postupanje nadležnih u situaciji pojačanog rizika od nasilja u porodici zbog mjera izolacije radi suzbijanja pandemije COVID-19 dostavljaju se***

Poštovani,

U smislu člana 1. stav 1 Zakona o ombudsmenu za ljudska prava Bosne i Hercegovine, Institucija ombudsmena je nezavisna institucija uspostavljena s ciljem promocije dobre uprave i vladavine prava, zaštite prava i sloboda fizičkih i pravnih lica, kako je garantovano Ustavom Bosne i Hercegovine i međunarodnim sporazumima koji se nalaze u dodatku tog Ustava, i koja će u vezi s tim nadgledati aktivnosti institucija Bosne i Hercegovine, njenih entiteta i Brčko Distrikta BiH.

S ciljem zaštite prava i sloboda ranjivih kategorija građana, ovom prilikom ističemo sljedeće: Nasilje u porodici je globalna pojava koja ne poznaje društvene, privredne ili nacionalne granice. Radi se o ozbiljnom kršenju ljudskih prava, kojim su uglavnom pogođene žene, djeca, stariji, ali i muškarci. Žrtve nasilja u porodici rijetko se odlučuju javno progovoriti o svom problemu, odnosno potražiti pomoć od policije, centra za socijalni rad... te se u velikom broju slučajeva za pomoć i savjet obraćaju članovima porodice, prijateljima...

Bosna i Hercegovina trenutno je, kao i većina zemalja pogođena pandemijom COVID-19, a kao ključne mjere u suzbijanju pandemije, su pozivi i apeli nadležnih na samoizolaciju i izolaciju,

odnosno mjere ograničenja slobode kretanja, što uključuje potpunu zabranu kretanja u pojedinim dijelovima Bosne i Hercegovine za lica ispod 18 i iznad 65 godina života, i potpunu zabranu kretanja u večernjim i noćnim satima.

Poduzimanje mjera distanciranja ljudi i poticanja istih na ostanak kod kuće povećavaju rizik od nasilja u porodici. Stres od potencijalnih financijskih gubitaka, kontinuiran boravak članova jedne porodice na istom mjestu, dodatne obaveze nametnute članovima porodice i smanjen pristup svim vidovima usluga, imaju posebno negativno djelovanje na žene, djecu i starija lica.

U tom kontekstu Ombudsmeni za ljudska prava Bosne i Hercegovine, uz potpuno uvažavanje svih naredbi koje su do sada izdate od strane Federalnog štaba civilne zaštite Federacije BiH, Republičkog štaba za vanredne situacije Republike Srpske, Kriznog štaba Brčko Distrikta BiH kao i kantonalnih kriznih štabova s ciljem suzbijanja pandemije COVID-19 preporučuju nadležnima da:

- Rade na podizanju svijesti o utjecaju socijalnog distanciranja i zabrane kretanja na žene, djecu i starija lica izložena riziku od nasilja u porodici i nasilju u porodici;
- Uspostave posebne servise za lica u riziku od nasilja u porodici, i lica izložena nasilju u porodici kreiranjem dodatnih telefonskih linija i stvaranjem mogućnosti za online podnošenje prijave nasilja u porodici i o istom kontinuirano obavještavaju javnost;
- Osiguraju da, bez obzira na situaciju uzrokovanu pandemijom COVID-19, svi nadležni po zaprimanju prijave o nasilju u porodici postupaju po istoj hitno i bez odgode.

S poštovanjem,



Ombudsmeni Bosne i Hercegovine

prof. dr. Ljubinko Mitrović

dr. Jasminka Džumhur

Nives Jukić

Dostavljeno:

- u naslovu
- u evidenciju